

諸羅縣志

卷一

封域



諸羅縣志



諸羅縣志序



九州之外聖人存而不論以荒遠無徵慮  
開天下後世之疑故寧闕也莫遠於正朔  
不加聲教不及之地而交趾事蹟占城國  
錄西域鷄林諸志昔人皆有取焉若夫郡  
縣之志乘卽其地士大夫之所纂次賢守  
令之所脩明見聞之確莫過乎此宜若一

諸羅縣志

序

無可疑者然而或不盡然故曰世異事變  
人道不殊彼我易時未知何如於虜此三  
代以下書冊之所以日繁而讀書者之所  
貴於知人論世也臺灣海外荒島諸羅僻  
處臺之北鄙禹貢無傳職方不紀向在存  
而不論之列

今天子神聖文武削平鄭氏乃撫而有之建

立郡縣仁漸義摩卉服雕題之衆與漢人  
同體涵煦乎高天厚地中者三十四年於  
茲矣其間戶口之生聚財賦之盈縮山川  
道里之險易遠近風俗人物之臧否奢儉  
醇醜城池倉庫學校祠廟壇壝之繕修農  
田水利之興廢阨塞之設兵戎之守大致  
井然

前副使高公已創爲郡志以誌之矣獨邑  
乘缺焉余自甲午奉調東入鹿耳度蔦松  
每思得所依據以爲化理之本及繙閱郡  
志參之日所見聞未嘗不致嘆於闕畧者  
之多而可疑者之復不少也考

高公之脩志在乙亥丙子之間其時草昧  
初開法制未備譬之築室方初其基譬之

精田方藝其蓄又茲邑延袤千里山海  
深所見非一傳聞異詞其紀載寥寥疑信  
相半誠無足怪至於今不可同年而語矣  
昔之鹿場今之民居昔之豐草今之嘉穀  
昔之椎髻今之衣冠簿書期會日以繁規  
畫營建日以多聲明文物日以盛及是時  
而不亟訂其訛舛增其闕畧成一邑之志  
者非所以昭  
備文獻之徵後之人必有慨折衷之無自

聖天子無外之模久道之化信今而傳後也  
因以其事請於

各上憲既得允則謀可以共斯舉者漳浦  
有 陳君夢林舊遊黔中與家姪詹事漁  
濱爲筆墨交又嘗從

儀封張大中丞纂脩先儒諸書於鼇峯書院預脩漳州漳浦郡縣兩志是足任也乃具書幣遣使迎致邑治卽所謂樣圖者而開局焉旣又擇鳳山學生李君欽文邑明經林君中桂與俱會粹建邑以後三十四年之見聞斟酌郡志之已載者而一總其成於陳君焚膏繼晷綜核討究存其所

信去其所疑起自丙申秋八月越明年丁酉仲春而脫稿爲志十有二志各一卷爲目四十有七每一卷就余輒與參互而考訂之凡所謂郡縣志乘之載各具體矣中間因事建議陳君畱心時務動與余合往復論難要於保境息民興教淑士如醫者之用藥紀事者其品味也建議者其方

也選其品味而製之有法使皆可用而不  
疑然後各因乎人之病而尋究其方雖不  
知能效與否而必是藥與是方皆確然可  
自信於心與其信于人而後已此余與諸  
君子參互考訂而不厭也抑人之言曰時  
者事之機也時至而事起時窮而事變是  
以聖人緣時以盡變夫安知數十年後氣

化人事更相推移今之所信不又爲後之  
所疑乎亦就目前之信而不疑者畱爲掌  
故備異日之徵而已梓成乃呈之

各上憲弁諸簡端而余弁識其歲月始末  
於次云

康熙五十六年丁酉夏四月知諸羅縣事  
加一級周鍾瑄撰

諸羅縣志

序

六





凡例

一古人書志以論述舊章經緯當世邑治海外新造  
徵獻考文百無一有茲郡立紀統推行義類為卷  
十二為目四十有七而一日之中又有以類附見者  
愧乏三長要於文省事增而已後之人將廣視聽  
而參得失庶于是乎取之

一邑治山川叢雜郡志多所缺畧故校勘特詳凡二  
易稿而就務使肢節脉絡井井分明流峙高深各  
見生動庶幾碧水青山今來面目不致盡被作者  
塵封耳

諸羅縣志

卷之首 凡例

一祀典學校賦役選舉經國大猷竟委尋源非會粹  
羣書莫得其概邑治鮮藏書之家故於此數者各  
討故實撮其要於篇首便海外人士知歷代沿革  
之不同

本朝損益之蓋善不以為天下之通制邑乘可畧而  
不載也

一學宮勒

御製至聖先師贊四賢贊

郡志列諸藝文似屬非

今合學宮興建始末

御製訓飭士子文

聖諭條約鄉飲養老考

諸生義學社學另為學校

一卷以昭

聖天子尊師崇儒之曠典六教育士子之盛心亦以見

學校之設非同尋常規制云爾

諸羅縣志

卷之首

凡例

二

一人物名宦慮事遠年一因為立傳若其人見在則

有待焉所謂百年之後是非迺定也郡志濫及見

任官殊乖義例今惟已故者乃覈實立傳見在之

人功德可紀止據事實書或連類而及善善從長

雖匹夫匹婦不敢沒也

一北路為臺海肩背兵單汎廣

聖天子加意海防綢繆未雨故茲編分列水陸防汎

各為一條凡阨塞險要官兵戰艘數目塘溝險要

巡哨處所無不畢載而前後以己意著論芻蕘之言寧無取焉苟有一得不厭千慮矣

一邑人五方萃處風俗厯雜卽諸番之俗亦或各社不同綜其大畧漢俗分類爲四番俗分類爲七各綴本事其下與各志土風體例稍異欲使閱者如身履其地而親見之昔李繁作大唐說纂凡所紀事每條不過數十字前人稱爲簡要今茲未能踈畧輕信淺近不學知無所辭也

諸羅縣志

卷之首

凡例

三

一方言各志不載近田中丞蒙齋先生纂黔書依易說卦傳體另爲一條茲倣其意畧舉大概繫於番俗之末用昭海外同文之盛抑齋素油問異語蓋古人所不廢云

一風俗物產雜記郡志之外採諸寓賢沈君光文雜記海澱陳君峻外紀益以耳目覩聞摘取聯串未必當乎大雅潤色裁鑄謹以俟諸良工

一舊祥古蹟各志皆別爲一卷寺廟或附古蹟或載

外緣建邑未久紀載闕如不得不裒多益寡以就篇帙姑合舊祥古蹟寺廟并列於雜記而以外紀終之其事不關於風土民物者雖外紀亦一概不載

一藝文之選所重在文古人一語不合棄不入選蓋其慎也若功德碑記上下文移敗炙殘羹一概濫克樽俎觀者氣塞矣茲就郡志去取稍綴新篇冠奏疏於首餘則文以題之大小爲次第詩以人之

諸羅縣志

卷之首

凡例

四

先後爲次第篇帙無多各體未備故不復分類將以俟諸來者

一邑治庶事草創補偏揅弊如水隨形數十年來氣化人事月盛日新較之初闢勢殊時異故於編末輒附管窺非敢謂深切事情然百聞不如一見吏治民生未必無小補云

目錄

第一卷

封域志

星野

建置

疆界

山川

形勝

海道

潮汐

風信

第二卷

規制志

城池

衙署

倉廩

坊里

街市

橋梁

諸羅縣志

卷之首

目錄

津渡

水利

郵傳

養濟

義塚

第三卷

秩官志

秩官

列傳

第四卷

祀典志

文廟

壇祭

第五卷

學校志

學官 義學 社學

第六卷

賦役志

戶口 土田 陸餉 水餉 雜稅

存留經費 附

第七卷

兵防志

諸羅縣志

卷之首

目錄

二

營制 水陸防汛 教場 歷官 列傳

第八卷

風俗志

漢俗 番俗 氣候 附

第九卷

人物志

選舉 列女 寓賢 附

第十卷

物產志

第十一卷

藝文志

第十二卷

雜記志

蓄祥

寺廟

古蹟

外紀

諸羅縣志

卷之首

目錄

三

地

圖

諸羅縣志

卷之首 地圖

山川總圖





諸羅縣志

卷之首

地圖

二

武大



山仙馬南




諸羅縣志

卷之首

地圖

三



山瓏

山天上有翁

山箕米奮

山管武肚

山佛龜大

山頭嵌

山枕王

山架華

山湖箕箕

山線坡五

山後調馬

嶺月半

竹排大

街冬加下

汛十

柳標大

破新

汛十

街巷水試

壁奎大

蚊港

汛師水

里威

身鯤北

身鯤南


青嶼關

諸羅縣志

卷之首

地圖

四



山 玉

山岸仔枋

山武人

林仔葉

山打刺

山鹿鹿

山興福大

山朝牛

山埔仔鹿

山金馬樓

塘水 街猫打

打猫社

山

山羅諸

庄才秀

仔獅土

水師汛

街港笨

水師汛

笨港

水師汛

水師汛

諸羅縣志

卷之首 地圖

五



諸羅縣志

卷之首 地圖

六



諸羅縣志

卷之首

地圖

七



諸羅縣志

卷之首 地圖

八



諸羅縣志

卷之首 地圖

九

大龍





諸羅縣志

卷之首 地圖

十

山後圖



山朝山



諸羅縣志

卷之首 地圖

十一

黑沙晃山

蛤仔難山



員猪末山






南係卑南  
頁鳳山界

諸羅縣志

卷之首 地圖

十二

縣治圖



厲壇

崇文山

崇文社

山川壇

社稷壇

草池尾

土地祠




番  
谷  
圖

南羅縣志

卷之首

地圖

十四




文身



生番  
歸化



采屋



羅縣志

卷之百一十五

農





賽戲



諸羅縣志


卷之首

番俗圖

十七



舂米



諸羅縣志

卷之首

番俗圖

六

捕鹿





諸羅縣志

卷之首

番俗圖



諸羅縣志卷之一

封域志

星野 形勝

建置 海道

疆界 潮汐

山川 風信

先王制禮九土攸序分境畫野各安其居臺灣跨海以東山環西向拱護閩邦土地廣饒諸羅得三之二焉殆天造地設以待

聖人而為東方之保障者與千峰作鎮百川匯流據上游山海奧窔之區必將有偉人傑士鍾靈奇之氣以作楨

諸羅縣志

卷之一

封域

一

皇家雖懸崖巨浸強半不毛然觀象於天察利於地損益張弛自茲始矣

星野

周官以星土辨九州之地所封域各有分星以觀妖祥其時揚州之域南越甌閩未通上國無所謂臺灣也况諸羅乎晉志於吳越州郡各詳所入度獨閩越闕焉閩越與會稽同度會稽入午一度則建安以南其為牽牛須女之分無疑也諸羅僻在臺北古王會

不載星野分屬於何而辨白麓鄭氏亦鄒之說曰  
羅繫於臺臺繫於閩星野宜從閩禹貢揚州之域天  
文牛女分野牛女於辰爲丑銀海之屬星紀之次明  
時澎湖屬於泉泉分野從閩省爲牛女則臺從泉爲  
牛女無疑臺南隣於粵北對峙於閩安而西逼近於  
漳漳分野視閩粵分野視漳臺與漳接壤分野從漳  
爲牛女無疑唐開元僧一行有云星紀當雲漢下流  
百川歸焉其分野下窮南紀之曲東南負海爲星紀

諸羅縣志

卷之一

封域

二

爾雅云星紀斗牽牛也臺郡宅東南分野應屬牛女  
無疑則又有爲之說者曰星紀吳越分也銀海元武  
象也劉向曰吳越屬斗牛女分晉隋元志吳越其辰  
在丑臺在泉之窮南去閩省遠矣不宜爲銀海之屬  
又在漳之極東去吳越更遠矣不宜爲星紀之次窮  
南極東星土亦少異矣臺分野其在女虛之交乎則  
又爲之辨曰虛元枵之次在子之辰齊青州分野分  
星所主在北以臺之稍迤而東遽疑其越次越辰是

觀天之見也且從泉近事也從漳紀地也東南  
海為星紀僧一行之說也臺分野以牛女為定又  
何疑乎石民陳氏元麟之說則不然其說曰臺灣海  
島之地其域不在九州之限按古四譯館因外爨來  
言以外爨分方紀星臺灣原屬島爨其次為鶉尾其  
宿為翼其辰為巳天文宋志云鶉尾在翼軫之交居  
南方七宿之末隨南極而半入海呂宋淡水臺灣是  
也利瑪竇云鶉尾之次於律仲呂岡山分野臺有大  
小岡山

諸羅縣志

卷之一

封域

三

爾雅云鶉尾軫翼也郭璞注云軫翼南方之傾地勢  
之下翼巳之間火星所屬故謂之鶉尾至其分度又  
往往不同唐開禧起翼二十度宋元會元曆起翼二  
十度抄明授時曆又起翼二十度

本朝欽天監所定時憲曆則止十七度整呂宋居於  
巽巳入翼十度日本在寅艮入軫八度臺灣背接呂  
宋右連日本其值翼九度無疑俗以附漳泉分野不  
知漳泉係丑地牛女之分與巳位無涉故占驗之家

概以臺灣同島夔一體測驗而以里差詳之臺灣爲翼九度諸羅在臺北角木遠照斜插隱見屬翼八度七分之二三鳳山在臺南亦同屬翼九度杪牛女星紀約畧之見不可從也

按海外見聞如扶餘日本占城諸國歷代所紀皆畧可考諸羅由明以前中國人跡所未及象緯占候班固以來無述焉考步之家言人人殊禪鄰次舍各有差謬此以爲軫彼以爲角甲以爲氏乙以

諸羅縣志

卷之一

封域

四

爲房南斗六星卽斗牛之斗而分野在北北斗天樞在張宿十度而分野在南蓋自昔已然天道幽遠其理固有不可究詰者姑合諸說而並存之以俟博雅知星者論定云

處置

諸羅縣故統名臺灣海外荒裔地不知所屬明宣德開太監王三保因風過臺則今之郡治未入諸羅也

清國二十一年海寇林道乾入臺天啓元年

鄭芝龍引倭踞其地崇禎間假于荷蘭即紅毛庚辰季

光郡志藁云崇禎八年荷蘭始築臺灣赤嵌二城則此當為庚辰郡志作庚寅誤甲螺猶云頭目

彝人所設以郭懷一謀逐紅彝事覺紅彝召土番追

殺之盡戮漢人於歐汪諸羅地名有溪曰歐汪溪見山川志此地至今多鬼昏黑

則人不敢渡郡志以為鳳山仁壽里之歐汪誤

國朝順治十八年辛丑鄭成功自江南敗歸因甲螺

何斌以取臺比至鹿耳門水驟漲鹿耳門入臺所必由海道紆曲水淺

沙膠舟人皆插標以為識稍有左右則失音成功至水驟漲丈餘戰艦雁行而入遂克臺置

諸羅縣志 卷之一 封域 五

一府二縣縣一曰天興則今諸羅地也其明年成功

死子經嗣改縣為州名因之設安撫司號北路

今上康熙十七年戊午以布政使姚啓聖為福建總

督啓聖大開脩來館於漳州賊降者無真贗皆收之

高爵華轂袍帽金幣焜耀於道多縱反間辛酉經死

子克塽嗣啓聖計招鄭行人傳為霖內應事洩諸與

謀者皆誅死然鄭氏心腹人人自危望我師之來唯

恐不早也二十二年癸亥



尋征血戰澎湖厥功匪細其最者入臺之日釋仇  
惡禮降王民按堵如故子胥報楚方此有慙德焉  
與曹武惠之下江南爭烈矣獨是姚以數年之心  
力定平海之全局文物衣冠寧忘所自施俎豆而  
姚弗及于先河後海之義母乃闕乎斯論匪獨爲  
諸羅設也

界

治東界大山西抵大海南界鳳山縣西南界臺灣

羅縣志

卷之一

封域

七

北界大雞籠山在臺灣府北一百一十七里東至

武巒山二十一里

郡志作大龜佛誤

西至大海三十里東

廣五十一里南至鳳山大岡山界一百二十里西

下加冬至臺灣界一百零一里

以蔦松溪爲界

由哆囉

至臺灣界七十六里

以洋仔港爲界

北至大雞籠六百零

三由大雞籠山後東南至鳳山卑南覓界二百一

三里南北延袤九百一十九里

郡志載諸羅縣治在臺灣府北一百五十里東

至大山二十一里西至大海三十里東西廣五十  
一里南至新港溪與臺灣縣交界一百四十里北  
至雞籠城二千一百七十五里南北延袤二千三  
百一十五里康熙五十三年

欽差大人繪畫地圖勘丈里數而道里遠近乃定然

虎尾東西二螺大肚大甲大安

俱溪名見  
下山川

之深廣

後隴中港竹塹

俱港名見  
下山川

之潮汐溪水驟漲則稽

日潮流正長則需時兼以夏秋泥淖埋輪濡首故

有由縣治而雞籠或浹旬踰月乃至者良由道路  
險阻有時折軸輸載將伯無從有時溪湧潮吞望  
洋而歎竹塹南嵌以北皆盡日無人之境風沙暴  
起咫尺莫辨雖謂之數千里可也

邑治負山面海山內拱神州而西向發仞于北叢於  
東而附於邑治之肩背延袤于南凡山之綿渺阻絕  
人跡不到者統稱內山其可指而名者自福州之五

鹿門山勢東入於海導關同白猷

二山名在大洋中以南漸

迤雞籠港突浮一嶼曰雞籠嶼

內有番社以下凡有稱社者皆番所居

荷蘭之故城焉

在嶼之西

穿港而東曰大雞籠山巍然外

海之天半是臺灣郡邑之祖山也

往來日本洋船皆以此山為指南

有隔海參差與嶼浮沉而馮翼乎茲山者與之西為

桶盤嶼東北為雞心嶼西南為獅毬

諸嶼各以象形得名又北

而若隱若見乎左右者東為直加連嶼西為花研嶼

兩嶼各起中峰而巒列小嶼於旁潮流迅急約離大雞籠一更水程

由大雞籠而西為

諸羅縣志

卷之一

封域

九

金包裹山

內有金包裹社往大雞籠路在山之麓沿路巨石巉巖錯置澗水縱橫其下山

背有旗干石

二石對峙如旗干夾故名

砥柱乎煙波又西為小雞

籠鼻頭山山之右有石中空如門為石門由小雞籠

蜿蜒而南轟起吼立於淡水港之東北者曰大遯山

鄞志所謂奇獨龜崙山也是為郡邑諸山之少祖却

而仄立於東者為礮山

土可煮礮故名

西極于港口

內社二雞彘

山北投

外循港逆折而東為干豆門

大遯山麓有小山與八里坌山夾港

東西相對形如門柱故名內有

麻肖翁

大浪泉

武勝灣

大遯之

大遯之

勢趨入內山煙霏霧靄峰巒不可數羣萃南下奔十

百餘里倏停而駐有挺拔圓秀而特立者曰大武巒

山則邑治之主山也三峰並列遠護衆山奇幻瑩澈

高出大武巒之背者為玉山是為邑主山之後障山終

歲為雲霧所封見之日甚鮮由大武巒迤邐而西穿原隰二十里

許橫岡如帶近貼邑治之背者為牛朝山土剛面陽

西向作邑其下山自右而旋左蛇伏於草地尾有小

山逆于水口玉山之水由此達於八掌溪近依邑治如鎖鑰焉其

諸羅縣志 卷之一 封域 十

峙於東北者曰大福興山一名大目根山與覆鼎金山方言謂釜

為鼎山員淨如釜之覆故名同為邑之右肩又東而枋仔岸山在玉

山之鹿楮山在大武巒之東北打利山在鹿楮山之北鹿仔埔山在打

利山之則右肩之外輔也其峙於東南者曰阿里山

山極遼濶內社八大龜佛 番米基 干仔務 與

大龜佛山在阿里山之東南同為邑之左肩又東而肚武管

山在玉山之南 番米基山在大龜佛山之東北則左肩之外輔也環

邑西顧諸山森立如踞中高坐旁執干羽者列仗於

兩階之下而做其前有自東而旋於北為邑之右臂

者曰葉仔林山與大武巒接稍北為鼎蓋樑山頂平

豁如金之蓋而隆其脊與鼎蓋並峙者為梅仔坑山

聳拔於梅仔坑之北者為奇冷岸山山之西有漢前人耕種其中

而南為尖山仔山山皆南面若延竚以俟人之右顧

有自東而折於南廻顧於北者為邑之左臂曰玉案

山舊名玉枕位踞離明方幅蒼翠是學宮之對山也橫鋪

如青玉之案玉案之後有火山山在谷中多石石隙泉湧火出水中詳見

諸羅縣志

卷之一

封域

近火生於水生尅之理固有不可知者乎玉案之東

北巉巖陡絕為嵌頭山上為兜囉婆山與大龜佛接

玉案之西南以形名者為筆架山豎脊挺步如老翁

扶筇天際為翁仔上天山又西為半月嶺形似上弦之月故名

皆邑左之外障於南而廻顧於北者也自奇冷岸而

東北為虎尾溪之牛相觸山一在溪之南斗六門界一在溪之北大武郡界

南北兩峰如牛奮其角而將觸中界一溪益嵯岬怒

激而隆起溪之東南為斗六門庄名諸山起伏疎密則

邑右之障若遠而若近者也自牛相觸以上路皆在

山之西而遵海以北其極於東者內山峰巒不可數

錯置於道東望可指者虎尾之北濃遮密蔭遠若翠

屏曰大武郡山山之西南有大武郡社東為南投山內社二溪南為南投

北為阿拔泉山竹脚寮山內有林墾埔漢人為耕種其中為九十九

尖王荀瑤簪排空無際其下為大吼山菱老山方言菱老

飯器也其頂員亦象形以名又東北而為水沙連內山內社十巒巒貓

丹毛蟀決裡哈裡難致霧山南與玉山接

諸羅縣志 卷之一 封域 三

大不可極西隔一溪為樸仔籬山大武郡以北廣漠

平沙孤峰秀出者曰寮望山其下有北路中軍之旗

鼓焉則半線庄名之營壘也山北為東北為貓霧掠山

東有曠埔漢人耕種其中東南為貓羅山夾二山而東入為火山

見古蹟與玉案南北斜照若造物者有意為之逾大肚

溪與寮望對峙者曰大肚山山後為貓霧掠社北而沙轆山

牛罵山崩山土多崩陷故名鐵砧山頂員而平故名宛裡山沙轆以下五山

皆大路其小焉者也東插平沙轆牛罵二山之間

所必經

為岸裡山 內新附社五 阿里史 烏牛 山險而深

峻是向時政教所不及而今慕義來歸者也東北為

南日山 在鐵砧山之東北 猫孟山 在猫孟社東 宛裡 以北路漸逼

於海小峰磊落於海之濱者曰倒旗山 山形似旗在吞霄社西

礁老叭山 在後壠社前水口 後壠竹塹二港之北為南山 在竹

塹社 之南 小鳳山 俗名鳳山崎以其路崎嶇多石難行也 南嵌山 在小鳳山之東北

東為太平山 在吞霄社之東 猫裡山 在後壠社之東 柳里歷山加至

閣山荖衢山 在中港社之北柳里歷加至閣俱在荖衢山南 陣仔叭山 在南山之

諸羅縣志 卷之一 封域 三

東 隣仔叭荖山 在小鳳山之東 交眉山 在祐武乃山之西 蹲舉峻嶒

飄渺乎煙霞者為眩眩山 下為竹塹埔漢人耕種其中 眩眩之北

為小龜崙山 內社三山下為龜崙西為坑仔南為霄裡 又東而龍從盤礪

並障乎南日諸山之後者為祐武乃山 在小鳳山之東極

高 合歡大山遙接乎干豆門諸社者為查丙山 山麓有查

丙 自干豆門穿港以西雄偉傑出於淡水港之東南

者曰八里岔山 在八里岔汎之南天將雨則雲先罩其頂港外見此山凡八面故名八里

岔 是為東南之鎮山則盡虎尾牛相觸以上諸山大

者昆季小者兒孫矣自半月嶺益趨於南曰馬欄山

西轉徑仄如重關設險為關仔嶺山下有漢人耕種其中狀若

箕張為箕箕湖山若小龜佛山在箕箕湖山之西南下有古樹高數丈相

傳有神附焉近此居者多患疾疫故皆徙于數里之外則視大龜佛而差等者

也小龜佛之東南為赤山土盡赤臺多黑淤此為正

色矣則有冲霄而起若秉珪植壁繞出乎玉案山之

背者曰大武壠山與學宮遙對儼然有端人正士之想焉

西社九 大離蚌 礁吧咩 邦鶻 內踏綱 萬打籠 籐橋頭 內幽 美籠 大

諸羅縣志 卷之一 封城 古

武壠之西北峭壁懸崖為五步練山以其險不可容足故名亦方言

也其並而相埒者為消離山他如鹿馭山東西煙山

虎頭山亦象形 內茄拔山琅包山 下有曠埔漢人耕種其中則又

小峰之聯絡於南者也其在治屬而與臺鳳界者騰

空組舞卓立天骨曰南馬仙山山後為鳳山界遙望而鬱乎

蒼蒼者為烏山高聳入雲為郡治之大宗者曰木岡

山四時常罩雲霧天色晴明則內地舟至澎湖便見此山山南為臺灣界西為卓猴山

在新港 西南為芋匏山羅漢門山 內有大猴洞山 有

社之東



石洞行人往來皆經而左揖乎鳳山之大岡山其

於此洞外為臺灣界治屬而右與鳳山界者自大雞籠支分東渡八尺門

港雙峰遙峙如脫穎而出高不可極曰山朝山山南

仔難三買猪末山在山朝山之南南為哆囉滿社北

十六社為山朝社二山相去凡百餘里

東南為蛤仔難山南為黑沙晃山東南有直崇文山

內有生番十社人所又南為鳳山之卑南覓山東漸

不到二山皆極高大於海

凡水皆東流邑治之水獨西臺海在西三邑攸同也

諸羅縣志

卷之一 封域 圭

閩粵間水源自山匯流揚波謂之溪溪漸於海潮汐

應為謂之港海汊無源潮流而瀦隨其所到以為遠

近亦謂之港邑治山之背為東洋前距西海五十里

以海為帶南北之水濫觴四注望而朝宗約畧計之

者十有九海汊自為港者十有六潭湖陂圳正韻無

音之屬俱別見不與焉以下每一節為一○凡溪俱

浚之屬水利○附於邑治之右為北維○曰、牟朝

凡海汊自為港者俱從

溪發源于大武巒邑三出大福興牛朝二山之北

牛朝溪渡往北大路渡此夏秋水漲小西過北新杉板頭船可入渡口載五穀

至於小糠榔庄名為龜仔港又西至於猴樹港商船

藝集載五南出青峰闕縣治以南總海口自蚊港以內諸港悉從此入詳見下

入於海○猴樹之南為土地公港入於荷包巖庄名

巖內為眾流所歸與港會水面甚闊捕魚者日可百餘人別見水利○牛朝渡之北曰

山疊溪發源于阿里山南至於雙溪口合尖山仔

名殿仔林溝之流西過白沙墩庄名之南為笨港商船

諸羅縣志 卷之一 封域 六

藝集載五出土獅仔庄名至于楫仔寮庄名入於海○曰

石龜溪發源於奇冷岸山名北灌於他里霧社名之加

冬脚南灌於打猫社名之大埔林地名走猪地名別見水利或云走猪

圳尾有小溝流至雙溪口與山疊溪合○曰阿拔泉溪發源於阿里

山西北過竹脚寮山為阿拔泉渡西合於虎尾○曰

虎尾溪發源於水沙連內山南出刺嘴社名以其番女皆鍼

刺嘴俗也過水沙連社合猫丹社名巒巒社名之濁流二水

甚濁西過牛相觸山名北分於東螺又南匯阿拔泉之流

為西螺過黃地崙庄名布嶼稟有渡出白沙墩之北至

於台仔挖舊港名港口原有浮嶼內可泊船近入於

海○曰、東螺溪分自虎尾溪之牛相觸水色皆黑土人云虎

尾東螺水清則時事有變北折而西過打馬辰有渡樹仔脚有渡貓兒

干社名滙於●海豐港海汙商船到此載脂麻粟豆

入於海○遵海而北為●三林港海汙商船到此載

脂麻粟豆港水入至二林社止○逾東螺曰、大武郡溪發源於大

武郡山西出馬芝遴社名又西為●鹿仔港港口有水

諸羅縣志 卷之一 封域 七

七十人冬日捕取烏魚商船到此載脂麻粟豆○水棚別見外紀入於海○曰、大

肚溪溪面甚濶水險發源於南投山過北投貓羅柴

坑仔俱社名北合水沙連九十九尖之流水口可容出

阿束社名之北為●草港港口亦有水棚入於海○草

港之北為●水裡港海汙商船到此載脂麻○大肚

之北曰、大甲溪溪面甚濶險於發源於岸裡內山

過樸仔籬山南分于牛罵曰、牛罵溪西入於海○

曰●崩山港港口多石商船分自大甲溪西北過崩

山又西為港入於海○曰、大安溪險如大甲而溪面較狹夏秋水

漲必俟水落發源於水沙連內山北過岬裡南日二邊海而行

山支分於南日社名之後者曰、房裡溪支分於鐵砧

山之北者曰、猫孟溪西匯於雙寮海口入於海○

曰、吞霄溪發源於南日山西出倒旗山之前入於

海○曰、礁荖叭溪發源於祐武乃山出南日礁荖

叭二山之南為○礁荖叭港西入於海○曰、後壠

溪發源於猫裡山過加至閣社名之西為○後壠港在後

諸羅縣志 卷之一 封域 六

壠社前港面甚濶入於海○後壠之北為○中港海

商船到此載脂麻○曰、中港溪發源于合歡有小灣商船到此載脂

大山流於加至閣之北出中港社西為港入於海○

中港之北為○竹塹港發源于眩眩內山曰、眩眩

溪溪底皆石合隣仔吧荖山之流為、竹塹溪溪面甚溪濶多石

西出為港入於海港濶水深商船到此載脂麻五穀○又北曰、鳳

山溪發源于查內山西流于小鳳山埔入於海○發

源于查內山之北者曰、大溪于合歡大山者曰、

支吧里溪曰、田厝溪近坑仔社曰、加冬溪近霄裡社合北

內山之流為、霄裡溪過小龜崙山名匯大溪於南嶽

社為○南嶽港西入於海自大溪以下五溪水底皆石自竹塹至南嶽俗云九

十九溪內多一溪而十數灣折者○曰、長豆溪發源于八里岔山

之南西入於海○曰、礮溪水不可食詳見外紀發源于礮山

西過內北投出干豆門入於海○八里岔之北為○

淡水港海口水程十里至于豆門內有大灣分為二港西南至擺接社止東北至蜂仔峙止番民

往來俱用蟒甲蟒甲者列獨木以為小船也灣內可泊大船數百商船到此載五穀鹿脯貨物內地商船

諸羅縣志 卷之一 封域 充

間亦到此匯合歡龜佛小雞籠鼻頭俱山名灘流入於海○

極于東北為○雞籠港西北為大海○港以東為○

八尺門港隔港為山朝黑沙晃諸山八尺門之南為、山朝溪為

○蛤仔難港港有三合諸山灘流與海潮匯蛤仔難三十六社散處于港之左右東為

大海○附於邑治之左為南維○曰、八掌溪發源

於玉山過枋仔岬阿里牛朝俱山名之西南為八掌溪

渡邑治南抵至於白鬚公潭有竹筏渡過小龜佛山有竹筏渡

南出為○冬港商船到此南出青峰關入於海○曰

載五穀

白水溪發源于玉案山名西灌于大排竹臭祐下加

冬俱庄名別○曰、咽溪發源於大武壠山名十八

重溪狹而淺以其迂迴合哆囉咽社北、九重溪狹

如十八重之流過雙溪口西南為、急水溪往郡大路有渡出小

龍船窩地過下急水有刺桐脚地西出內連桁見北

匯於蚊港見入於海○西海自青鯤身至於南北鯤

身南鯤身北鯤身傍海岸二小東入青峰關為○蚊

港與有網寮捕魚西為大海東入青峰關為○蚊

諸羅縣志 卷之一 封域 三

仔有網寮港南與冬港會又南過威裡水面甚濶東

入為○鹹水港海汊郡治往笨港大路有橋商船轉

止支分於北為井水港海汊有竹筏渡小杉板頭

上帝廟邊止○威裡之南為內連桁水面甚濶有與急水

溪會又南為○倒風港分內外倒風灣甚濶眾○倒

風之水分三港北為○鐵線橋港海汊往郡大路有

穀糖菁貨物港水入至打鹿峙止南為○茅港尾港海汊往郡大路

載五穀糖菁貨物港水入至二太爺庄止西南為○麻豆港海汊商船到此

載五穀糖菁貨物港水入至二太爺庄止西南為○麻豆港海汊商船到此

物港水入至  
麻豆社邊止  
○麻豆之南曰灣裡溪發源於礁吧

社名  
內山南過五步練大武壠二山合卓猴山之流

於石仔瀨有渡西流為、加拔溪至于新社有渡名南

合烏山頭之流過赤山有渡名拔至於灣裡往郡大路有渡

過蕪厝甲有渡樸仔林有渡蕭壠社名有渡西出為、歐汪溪

有渡溪東為歐汪社入於海○曰、新港溪有小杉板頭船

溪西為史柳甲社南為臺灣界北

至大洲載五穀發源於木岡山流於洲仔尾為縣界洲內有

魚塭為○新港港另有海汊二一由舊園西北流至木

諸羅縣志  
卷之一  
封城  
三  
止入於海○新港之南東入為○洋仔港海○新港

之北東入為○灣港海汊小杉板頭船到此載五穀

港口甚潤  
有魚塭  
竿寮港海汊有渡小杉板頭船到此

直加弄港海汊小杉板頭船到此載五穀糖○西港

仔港海汊有渡小杉板頭船到此渡客并載五穀糖

含西港海汊小杉板頭船到此載五穀糖菁貨物

內之支分為○卓加港海汊小杉板頭船到此載

港  
西南為大海

右山川所紀較郡志加詳亦多與郡志異郡志據所傳聞云其畧而已卽如玉山在縣治之背其山之望也大武巒爲縣治主山青峰闕爲縣南扼要海口而郡志皆不載又何論其小者乎雞籠城在雞籠山隔海之西北雞籠巔而但曰城在雞籠雖生長臺北者亦無從識其處也茲卷或躬親遊歷或遣使繪圖三復考訂乃登紀載假而千秋百世陵谷依然雖未敢謂毫髮無爽亦庶幾得其大概

諸羅縣志

卷之一

封域

三

云

形勝

六景附

邑治全臺鎖鑰徑道蜿蜒內控四里四社之番民外扼八庄衆社之要領宋永清論揖鯨海而枕玉山東西壯其流峙右雞籠而左猴洞南北扁乎戶庭美哉千里之雄圖上游之勝地已山因火而著潭以劍而傳巖號龍湖開赤山庄之生面地稱蚊港導青峰闕以分川亦足徵氣象之瓌異標遠近之殊觀也乃若干豆



門能容數百巨艦竹塹埔足墾千頃良田梅於  
疑入羅浮夢裡松園合抱如見台嶺橋南則又  
邑以所無擅海外之獨有者矣

六景

玉山雲淨

山在邑治大武巒山後有記見藝文

棧圃風清

棧圃在縣署後康熙五十五年修志立局於此地廣可六十

第一外環脩竹中大棧數株屈曲亭直偃仰各有其妙盛夏酷暑涼風暫至披襟瀟洒不減羲皇上人也

諸羅縣志

卷之一

封城

三

北香秋荷

北香湖在縣北二里許有記見藝文別見水利

水沙浮巖

巖在水沙連潭中浮出見古蹟

雞籠積雪

雞籠山見山川

龍目甘泉

龍目井在雞籠山之麓見古蹟

按郡志臺屬八景諸羅居其一所謂雞籠積雪也

然諸羅之名蹟實不在此臺地夙號爍石流金雞

籠居極北稍寒故偶爾見雪遂稱勝耳以予觀玉

山棧圃北香水沙龍目皆標奇領異足供幽人之

賞消旅客之憂顧未有表而出之耳然則大澤深  
山佳景滅沒可勝道哉故合雞籠而並列之庶幾  
後有問津者

海道

邑治海道由青鯤身南至鹿耳門水程二十里西至

廈門水程十一更利東南風信由青鯤身北過青峰

關蚊港猴樹港笨港笨港與澎湖相對海豐港三林港鹿仔

港崩山港後壠港後壠與興化南日遙對中港竹塹港竹塹與海壇遙對

諸羅縣志 卷之一 封域 三 西

對南墩港南墩與福州閩安鎮遙對淡水港淡水與北茭洋遙對雞籠港雞籠

與烽火門遙對水程一十八更利正南風信各港詳見兵防由雞籠

西北至福州水程七更淡水西北至福州水程八更

利東南風信由雞籠西南至廈門水程一十二更淡

水西南至廈門水程一十一更利東北風信由雞籠

東北至日本水程七十二更利西南風信由鹿耳門

南至呂宋水程七十更利西北風信

潮汐

古之論潮汐者曰如橐籥翕張曰如人氣呼吸曰海  
鱗出入曰神龍變化而竇叔蒙則以爲水隨月之盈  
虧盧肇則以爲日入海而潮生月離日而潮大余安  
道闢盧氏之論謂月之所臨則水從之水之往來皆  
繫於月不繫於日此從竇叔蒙水隨月之論而發明  
之也王克論衡以爲水者地之血脉隨氣進退明漳  
浦黃道周爲之申其說曰天包水水承地一元之氣  
升降於太虛之中氣升而地沉則海水溢上而爲潮  
氣降而地浮則海水縮下而爲汐此主人氣呼吸之  
論古今不易之理也夫天地之盈虛消長不外一氣  
之運行氣升則爲盈爲長氣降則爲虛爲消盈而長  
如人氣之呼也則水溢而爲潮虛而消如人氣之吸  
也則水縮而爲汐盈虛消長之間陰陽之理寓焉矣  
自晝迄夜計十二時子至巳陽也午至亥陰也陰陽  
判而晝夜分氣之升降運行於晝夜之內氣有再升  
再降故水亦有再潮再汐也日爲太陽之氣月爲太

陰之氣日月之旋轉一陰陽之迭運循環不息積三十日而一周故潮汐亦因之有早莫之不同焉至于潮之有大小則因乎時之有交變氣之有盛衰陰陽之交在卯酉之月天地之變在朔望之後交則氣盛故潮獨大於餘月變亦氣盛故潮獨大於餘日凡在九有之中無殊理亦無殊時也諸羅隸於臺灣潮汐相等初一十六巳亥而潮滿寅申而潮竭初三十八子午而潮滿卯酉而潮竭初八二十三寅申而潮滿

諸羅縣志

卷之一

封域

三

巳亥而潮竭郡志云視同廈爲較早蓋潮候有遠近之不同海之遠者其得氣尤盛故潮亦因之由臺而入同廈水程遠至十一更無怪其然矣若夫半線以下潮流過北汶流過南半線以上潮流過南汶流過北則又其方之不侔而南北之地勢異也夫半線距諸羅百六十里耳而南北潮之懸殊如此矧夫六合以外舟車之所不至人力之所不通其潮汐又豈可以逆測哉要之天地爲積氣之域水包乎天地之中

初烈或至連月俗稱爲九降風間有颶驟至如春風  
船在洋中遇颶猶可爲遇颶則不可當矣

過洋以四月七月十月爲穩蓋四月少颶日七月寒  
暑初交十月小陽春天多晴而風順也最忌六月九  
月以六月多颶九月多九降也

十月以後北風常作颶颶無定期舟人視風隙以來  
往五六七八月應南風颶發則北風先至轉而東南  
又轉而西南乃止颶颶俱多帶雨九降則無雨而風

諸羅縣志

卷之一

封域

天

五六七月間風雨俱至俗所謂西北雨風時雨也舟  
人視片雲上黑則收帆嚴舵以待之瞬息之間風雨  
驟至隨刻卽止若備之少遲則收帆不及或至傾覆  
天邊有斷虹則颶將至片雲如船帆曰破帆稍及半  
天如鬣尾者曰屈鬣出於北方又甚於他方也海面  
多穢如米糠及海蛇浮遊水面亦颶將至

十二月二十一起一日有風應明年正月有大風  
二月三月以至九月俱按日相應或一日之間風作

二次則所應之月颶颶二次多亦如之無不應者  
凡山灣泊船之處有南風灣北風灣南風以南負山  
而北面海者為灣北風以北負山而南面海者為灣  
獨五六月應南風或驟遇北風不可泊北風灣蓋以  
北風轉南呼吸變更颶雨嚴厲駕避不及則舟立碎  
矣

颶日

正月初四日

接神

諸羅縣志

卷之一 封域

三

初九日

玉皇颶此日有颶各颶皆驗  
此日無颶則各颶亦多不驗

十三日

關帝

二十九日

烏狗

二月初二日

白鬚

二月初三日

上帝

十五日

真人

二十三日

媽祖颶真人颶多風媽祖颶多雨○以  
上三箇月共有三十六颶此記其大者

四月初八日

佛子

五月初五日

屈原颶係  
大颶旬

十三日

關帝

六月十二日

彭祖

十八日

彭祖  
婆颶

二十四日 洗炊籠颶此月內  
三颶皆係大颶旬

七月十五日 鬼颶

八月初一日 竈君颶  
初五日 係大颶旬

十五日 魁星颶

九月十六日 張良颶  
十九日 觀音颶

十月初十日 水仙王颶  
二十六日 翁翁颶

十一月二十七日 普庵颶

十二月二十四日 送神颶

諸羅縣志 卷之一 封城 三

二十九日 火盆颶自二十四日至年終每遇大風名為送年風

按颶日名目皆怪誕不經而驗之多應舟人避不敢行故并志之

